

八瓊室金石補正續編

唐十六

汝南袁君墓誌

方一尺二寸二分二十行行二十二  
至二十五字不等字徑四五分正書

汝南郡袁君墓誌并序

汝南郡袁君者出自帝舜之曾也家傳朱欽代職榮班遠洎  
夏殷之後世為諸侯萬葉相慕者矣 曾祖諱通隨任鄭

州新鄭縣令因居此地夫人太原王氏宰武城聞絃哥之遠化  
臨葉縣見鳧鳴而雙飛勁節不渝歲寒豈慙於松竹器等玉  
壺冰淨志冽未謝於秋霜名德猶存身歸泉壤 祖諱翰夫

壞

人陳氏退密 邱園含光滅迹樂道知命里人曰賢哉 父

侯

諱大勳志逸燠霞德齊巢許高尚其道不事王侯子孫偕然

夫人榮陽鄭氏宿回儼偶恩重義深四德同於恭姜三從齊  
於孟母其儀不忒坤今有聞誰謂隱駟不留桑榆急景蘭營  
芳歇桂樹摧風大唐開元歲卒于私第荏苒歲叙風燭難停  
子孫望而不及孝思無窮也東西不可無所今以天寶三  
載二月廿六日改葬于大梁城西南三亭堠前西北去三畝  
百步禮也面望長川目杳莽而無際後臨河水仙查激浪而  
浮天左帶平原坳壑糾紛而隱嶙右瞻嵩少羣山茂業以橫  
峯卜良辰而安厝得茲拜之勝境迺為頌曰  
寒松暮兮色蒼蒼 邱壠隈兮迹大梁 悼流光兮促景 恨  
亮里兮夜長 其二 一開泉壤永別高堂 羅東隣兮相杵 吳南

芑考斷腸日其三海變桑田陵谷遞遷唯令德芑不朽置金石  
芑永傳

此誌標題汝南郡袁君墓誌而文不見袁君其人第云  
曾祖通隨任鄭州新鄭縣令因居此地夫人太原王氏  
祖翰夫人陳氏父大勸夫人滎陽鄭氏其曰大唐開元  
歲辛卒於私第者即承其父母言而不書某年月日又曰  
某也東西不可無所令以天寶三載二月廿六日改葬葬  
於大梁城西南云云繹其辭意蓋袁流寓新鄭三代皆  
權厝其鄉至是大勸之子舉其曾祖祖父改葬大梁乃  
自為誌而銘之其書汝南郡袁君統括之辭也各著夫

人姓望三代皆合祔也卒書聞元不繫以年月兼父母  
言不能詳也此皆誌例之變然浮文害意序事不達殊  
不可以為法

龍瑞宮記

高二尺一寸廣二尺十二行行十五字字徑  
一十三分正書在會稽宛委山飛來石上

宮記

秘書監賀知章

宮自

黃帝建候神館

宋尚書孔靈產入道奏改懷仙

館神龍元年再置開元二年

勅兼天師醮龍現勅改龍

瑞宮管山界至

東秦皇酒甕射的山

西石菁山

南望

海玉筍香炉峯

北禹陵內射的潭五雲溪水府白鶴山

淘砂

潭

徑茗嶋宮山鹿跡潭葑田艾池

洞天第十本名

天帝陽

明紫府真仙會處

黃帝藏書磐石蓋門封宛委穴禹王開

仙字初稿偏注

得書治水封禹穴

嘉泰會稽志云龍瑞宮在縣東南二十五里有禹穴及陽明洞天道家以為黃帝時嘗建候神館於此至唐神龍元年置懷仙館開元二年因龍見改今額又云山巔有飛來石其下葛仙翁丹井山南則葉天師龍見壇棲神乃候神之誤又吳越春秋此山為黃帝藏金闕玉宇之書處有男子自稱蒼水使者禹因之得導水之法云云此記所述皆與諸書合而諸道石刻錄謂刻於開元二年二月則誤以建宮之年為刻石之年矣唐書賀知章於證聖初擢進士恩官至秘書監天寶初請為道士還鄉里書碑當在歸里

之後王象之與地紀勝載此刻而不及其年月是記後本

未書年今石上四圍有界線可證也

兩浙金石志

按是刻阮志作龍瑞宮記余題為龍瑞宮山界至記者從  
寶慶會稽續志也記所載秦皇酒甕石至鹿跡潭諸名惟  
望海不見於志乘輿地廣記云秦望山始皇登之以望東  
海且正在龍瑞之南是秦望當一名望海而地志遺之賀  
監歸越在天寶三載史傳稱卒年八十六攷盧象贈別歌  
序有年八十六而道心益固之語則是年已及其數况肅  
宗乾元中詔贈禮部尚書使果當年即逝明皇應早有贈  
卹疑唐書誤以辭官之歲為怛化之年也特肅宗詔內祇



稱越州千秋觀道士而不書官記中反署舊街似非先生  
遺榮本色寶慶志云不知何人所記是先生於此記僅為

一書或尚在居官之日乎宋志稱宮內有重刻本今宮已

久圯碑亦不存予兄菊生丙杰嘗於道藏中鈔得龍瑞觀

禹穴陽明洞天圖圖經一卷因屬帙寥寥難以單行今附錄

於後以資考證

杜春生施  
中金石記

龍瑞觀禹穴陽明洞天圖圖經 宋翰林學士李宗諤修定

會稽龍瑞觀在縣東南一十五里即大禹探靈寶五符治  
水之所唐神龍元年置懷仙館開元二年勅葉天師設醮  
而龍見因改賜令額 會稽山在縣東一十二里揚州之

鎮山曰會稽山海經云上多金玉下多珠石一名衡山與地志云會稽山一名衡山其山有石狀如覆鬴亦謂之覆鬴山皇覽曰會稽山本名苗山越傳曰禹到大越上苗山大會計爵有德封有功因而更名苗山曰會稽史記封禪書云禹封泰山禪會稽黃帝國女兵法曰禹問風后曰吾聞黃帝有負勝之圖國六甲陰陽之道今在乎風后曰黃帝藏於會稽之山其坎深千尺鎮以盤石又遁甲開山圖曰禹治水至會稽宿於衡嶺宛委之神奏玉璽之書十二卷以授禹禹未及持之四卷飛入泉四卷飛上天禹得四卷開而視之乃遁甲開山圖國因以治水記乃錄書於洞穴按

龜山白玉經曰會稽山周迴三百五十里名陽明洞天一也唐開元十年封四鎮為公故會稽山為南鎮永興公  
宛委山在縣東一十五里遁甲開山圖曰禹開宛委山得赤珪如日白珪如月長一尺二寸吳越春秋曰九山東南曰天柱號宛委承以文玉覆以盤石中藏金簡書以青玉為字編以白銀禹東巡狩至衡山血白馬以祭之見赤繡衣男子自稱因夷蒼水使者欲得簡書知導水之方詣齋於黃帝之獄禹齋登山發石果得其文乃知四瀆之限百川之理遂周天下而盡力於溝洫矣一名石簣山輿地志云宛委山上有石簣壁立于雲升者累梯而至射的山

在縣南一十五里孔圖會稽志云射的山畔有石室乃仙人射堂東峯有射的遙望山壁有白點如射的土人常以占穀貴賤故語云射的白米斛百射的圖米斛千西有石壁室深可二丈遙望類師子口人謂之師子巖即仙人射堂也 箭羽山在縣東一十六里孔靈符會稽記云此山有射的山西南水中有白鶴為仙人取箭因號箭羽山 鄭洪山在縣東三十里後漢鄭洪字巨君會稽山陰人也孔靈符會稽記云射的山南有白鶴山此鶴為仙人取箭漢太尉鄭洪嘗採薪得一遺箭頃有人覓見洪還之問何所故洪識其神人也曰常患若溪戴薪為難願朝南風暮北

風後果然故若耶溪風至今爾呼為鄭公風亦名樵風  
自龍瑞觀以下并山並見越州圖經臣樞伏覩唐開元以  
來洎聖宋每年春遣使投玉簡放金龍於陽明洞即大禹  
治水藏書之穴也方於治平年間罷此禮臣樞又伏覩  
州真圖縣圖經載仙人之事言唐明皇夢身在羅互與羣  
仙會尋訪問州真圖縣有羅鄉互里乃遣使往彼求訪  
神仙無所得憂惶間遇一老人問其所求乃指使者曰隨  
我行及前忽見老人化為白兔入地穴使者隨而掘之獲  
二十七玉仙人各面前有一牌並列姓名得道處若鄭  
思遠泰山得道荀安禮華山得道並齋歸京師入內道場

供養簡見事實此粗記其略貴亦知其大槩耳政和四年  
二月越州特奏名進士勅授濰助教臣葉樞謹記

賀李真善草隸紙繞十數字世傳以為寶此此刻磨崖有  
瘞鶴銘及熒陽鄭文公諸刻遺趣溫飛卿謂秘書省有  
李真草書詩筆力通健風尚高遠蓋不獨美其詩也兩  
浙金石志云書碑當在歸里之後杜未子以其署祕書  
監舊銜非遺榮本色謂當在居官之日其說甚長今以  
無年年月可徵仍列天寶三載求還鄉里之年

北嶽恆山安天王銘并陰側題名

天寶七載五月廿五日  
篆額卷八十八缺額側

大唐北嶽亞山封安天王之銘

篆額  
字字相三寸餘

左羽林軍兵督

羽作羽  
曹作曹  
下兵字同

羿題篆

羿作羿

水行佗鎮佗

作金旁作金柱

王國

少空一格

取諸恒也

恒作恒  
下同  
明作明  
於

下凡金字同

摠其靈

作摠  
下同

禮作玉冊

冊作冊  
驃騎作驃  
潭作潭  
者

方履禮

禮作履  
桑作桑

碑陰

天寶丙戌歲博陵太守九門

賈公名循字良紹

比第一列

之首行在替刻府城川  
一行之前全行既滿

王者禮也

禮作禮  
故吾

君崇其

拱禮少空載刊

唐冊少空

夏五月

夏作夏  
下同

鄭卓然然

字劉從一

說誤處

登仕郎守岳令丁子琦其載七月一日止

此行正書係立碑後題名之人

應接附於後

大宋咸平五年二月二十七隨從□□□靈道場七晝夜

東京員寮右副指揮使郝贊

此三行自左而右王氏洪例之五嗣郝贊二字

按權縣尉馮澤題名別見於宋北嶽安天王廟碑陰為

政和三年九月二十三日記政和三年正癸巳歲也此

碑兩題名年月日皆與之同王氏怪其同一日事而兩

記之不知其且三記之也其以癸巳為建碑後五載者

誤

初稿誤字下有七碑字  
洪為新改五此未寫上



碑兩側題名四段

廣七寸三分  
均正書

康英傑等題名

在一側之第二截  
七行字徑六分

勅開成三年十月□□日立冬祭

初下

初獻將□□郎前守□□縣尉□錄□□軍□□

亞獻承奉郎試左武衛兵曹□軍□曲陽縣令□□

陽  
終□文□□郎試太子通事舍人□曲陽縣尉□寶

陪位官鎮遏都□□使銀青光祿大夫□校太子賓客康英  
傑

右器仗第一將□殿中監曹□□

□□將試殿中監和士用 □士齊□書

李暨題名

在康與傑等題名之上五行  
左行字徑一寸二三分

□□判官前監察御史裏行李暨

會昌二年七月廿五日奉府公八座之命至此時

前進士李蠟

有期  
□至

大中殘題

在一側右邊一  
行字徑六分

大中八年十月八日

此刻僅見八字餘疑為宋人磨去自錫所題矣

王處□等題名

在大中殘題之下  
截五行字徑五分

維天祐三年歲次丙寅十月辛巳朔十二日壬辰立冬准

國

勅祭

初獻□武軍節度易定祁等州觀察處置北平軍等使光祿大夫檢校太保同中書門下平章事使持節定州諸軍事兼定州判史上柱國瑯琊郡王食邑三千戶食實封壹

伯戶王 霞□

亞獻節度推官兼判勾掌叅謀事朝議郎檢校尚書屯田員外郎兼侍御史柱國賜緋魚袋李 應□

終獻文林郎守定州錄事叅軍郭 琛

碑兩側有唐題名四宋題名五萃編不載蘭泉先生謂金石錄載碑陰未見碑陽盛時泰元牘記又但見正碑

而不載碑陰可見得全碑之難然先生具載兩面而額  
及兩側仍遺之今始得覩其全以補其闕誠哉其難也  
題名諸人姓名未泐者曰康英傑曰和士用曰王處□  
曰李應□曰郭琛曰李暨曰李蟠惟王處□即處直李  
應□即應之略可攷證處直義武軍節度使處存之母  
弟處存卒子部繼鎮定州光化三年朱全忠遣將張存  
敬攻定州部奔太原處直留後與張存敬盟師退全忠  
表授旄鉞天祐元年加太保此刻在天祐三年正其時  
矣北平軍以本州刺史兼使有唐初制如此此同中書門  
下平章事開元以後節度使每以此此寵異之李牟藩鎮

遂以為例傳於處直雖不言同中書門下平章事而會  
要昭宣帝使相有王處直與此正合處下勅一字為直  
無疑傳稱封太原王碑稱瑯琊王自當以碑為正天祐  
十五年再修文宣王廟記處直直結銜太師中書令北平  
王則入梁後官爵也李應之見舊五代史王都傳以左  
道醫王處直疾處直神之假以幕職出入無間署為行  
軍司馬軍府之事歲取決焉此即所謂掌參謀事也其  
為行軍司馬尚在此此題之後耳李靖有咸通元年華岳  
廟祈雪題名後此十八年時為左諫議大夫疑即此人  
宋人題名別錄入宋

靈泉寺僧元林神道碑

兩面刻高四尺九寸廣各二尺八寸七分凡四十四行  
行三十二字方界格徑一寸五分行書在安陽善應山

唐故靈泉寺元林禪師神道碑并序

監察御史陸長源撰

法本無生之謂真心因不染之謂空執有求真之謂著體真  
歸空之謂如非夫善發惠源深窮定窟何足以大明觀行獨  
秉禪宗使定惠兼脩空有俱遣道流東夏聖齊北山哉禪師  
諱元林堯城人也俗姓路氏黃帝之後封于路國因而為氏  
捕虜將軍端見為後燕錄豫州刺史永出晉中興書邁種子  
人嗣有明德禪師襟靈爽岸神氣翕遠生而克歧弱不好弄

聖德為公蓋之乃宗加一符  
寺此未改也

初遊神書府精意儒術觀百氏之奧窮九流之源平姪之疑  
義兩存康成之未詳多闕莫不窮蹟至妙剖元理淺若冰  
釋朗然雲開至如枝拒蹶張步騎彈射人則曠劫藝皆絕倫  
後讀阿毗曇藏遂發心入道依龍興寺解律師學業依年受  
具緣居靈泉佛寺拒衣之歲惠遠即風雅書生落髮之年道  
融乃聰明釋子以戒為行奉經是佛緣雅聞持犯克傳秘密  
學者号为律虎時人因為義龍推步渾儀昭明厯象天竺跋  
陀之妙沙門法願之能道契生知理荷神授既習空觀遂得  
真如身常出塵心則離念將在此以超彼不自利以利他不  
來相而未見相而見梵天香以崇發宏願鳴法鼓以召集

有緣聲振兩河教被千里樹林水鳥竹篁稻麻願結道緣爭  
味禪悅雖先生槐子杏壇攝齊之徒未足為瑜於是廣度羣  
有大庇庶情應悟攝心隨分獲益大雲含潤草木無幽而不  
芳明鏡懸空妍蚩有形而各北嘗至城邑因過巷肆屠說傳  
刀酒趙釋爵擁路作禮望塵瞻顏師必款曲以情悅可其意  
捨資財以攝其利言力役以勤其生漸去客塵令入佛智有  
苛吏敗俗壺政虐人伏以剛強示之簡易見方便力去貢高  
心破其重昏歸以實相夫學偏者量褊道廣者業宏禪師智  
括有情德通無礙體含虛韻性有異能妙窮音律雅好圖畫  
季長公瑾別有新聲凱之僧瑤皆德真跡以是好事君子翕



然向風檀為施心居無長物有流離道路羈旅風霜鄉隔山  
川親無強近飢者推之以食寒者解之以衣人中之急難法  
中之慈濟也景龍三年

勅追與僧元散同為翻譯大

德累表

正以上懇請

詔許還山禪師自居此寺凡六十

年或宴坐林中累日忘返或經行巖下踰月不還跡異人間  
行標物表每遊峯選勝建塔崇功驚若飛來鴈如踊出官窻  
杖標之所得自神人破塢移燈之處傳諸耆老今山上數十  
處有窻堵波者即其事也自金人入夢白馬負來譯音議於  
天竺布文字於震旦是為教本寔曰道因禪師遍寫藏經以  
導學者德實無量行非有涯不惟摠持辯才禪定智惠而已

故騰聲洛下獨步鄴中齊達嶽之大名繼稠融之遐躅噫日  
月大地咸歸有盡之源河海高山不出無常之境天寶五載  
十二月十日因閱僧務詣至德里迴首西方端坐如定不疾  
而化春秋九十餘僧臘七十一日黑震驚車徒奔集雷慟雨  
注隘谷填山粵以其月十七日遭靈坐于本寺禪師真身忽  
然流汗是知因生有滅乃現真空示聖出凡獨標靈相以八  
載二月十五日即身塔於寺之西北隅以安神也其夜霜霰  
霑羗山川草木皓然如素東帶雲門西連磤谷一佛二佛前  
身後身接林嶺之風烟成鄴衛之松柏禪師洞合神契妙通  
法源義則解空智能藏往先是寺中新植衆葉弱未成林志

孰

令沙弥扶之以杖其夜大雪折樹摧枯唯時小枝不動如故  
師之冥感多此類也門人等味道通經連州跨境歸宗雖倍  
入法益稀三千門徒皆傳經於闕里四百弟子空問道於襄  
陽弟子大通親奉音塵常陪庭院承宮之歲初孰勞以求師  
智稱之年載弃俗而從道調九候以除五疾明六度以伏四  
魔感自徇恩錄弗故事龕塔山古霜露歲深虎溪為陵高躅  
不亡於別傳龍山若礪盛德長存乎此詞其銘曰

孰有非有觀相非相日離諸妄得法捨法悟空非空是出羣  
蒙日景常朗雲蔽其耀無雲自照佛性常在欲生其塵無欲  
為真無相捨有出空離法大師宏業觀日除雲無欲歸佛大

師秘密茫茫羣有溺于中流濟之以舟舟之八苦沒于五濁  
導之以覺因心發惠惠契于定道澄其性滌緣有生歸於  
無理不存軀恒沙一切蕪舟闕水真身去矣連崗萬古雲門  
靈泉飛塔歸然

碑側

廣九寸五分六行行二  
十一字字徑一寸正書

安陽縣南平村信士李智平游寺觀禪師碑建立已來歷年  
綿遠風日爆裂蝨座湮沒謹捨淨財命工出拔復新構亭蓋  
謹以永其久伏冀存亡父母得悟无生眷屬安康同登覺道  
見聞隨喜發菩提心法界衆生獲安樂果宋大觀元李四月

望日住持寶山靈泉寺僧福澄記

南平村王氏男李智平弟博冲齊悅從 洞天部宗儀刊

右碑無書人名氏其字勢勁拔類李北海初壘土中募役  
夫出之前列監察御史陸長源撰長源舊唐書本傳乾元  
中陷河北諸賊因佐昭義軍新唐書亦云始辟昭義薛嵩  
幕府蓋長源於此時從薛嵩故得在相州撰是文而新舊  
兩史皆不著為監察御史是於佐幕之職從略矣碑載元  
林禪師堯城人俗姓路氏依龍興寺解律師學業居靈泉  
佛寺景龍三年敕與元散同為翻譯大德累表懇請詔許  
還山云云龍興寺見河朔訪古記彰德路北關外古寺坊

東龍興寺寺前豐碑一通是為隋龍興寺也又云齊達叡之大名繼稠融之遐蹟稠即稠禪師太平御覽引談藪曰北齊高祖多投戮有稠禪師者以業行者稱碑所載即指其人新唐書藝文志有稠禪師傳一卷其為當時信奉者稱於人如此安陽金石志

厚第四行端下初字安陽志作見二行獨秉禪宗志誤

作定十九行僧錄碑作瑤志改錄未實碑陰五行智惠

志誤作慧十七行長存志誤作常銘第三行秘密志誤

作密密按河朔訪古記湯陰縣有古壘碑亦陸長源撰

記今佚

此與景昭法師碑

貞元三年

皆陸長源撰並載全唐文碑無

書人名以全唐文校之時人目為義龍

此此作因為凱之

僧繇

此此作

僧瑤皆得真跡

此此作

皆德皆書碑者之誤白

馬負來全唐文作員則板本之失校者也安陽金石志

獨秉禪宗誤作獨定盛德長存乎此詞誤作常存銘中

大師秘密誤作密秘又禪定智惠而已作智慧唐以前

碑以惠為慧者甚多古通用不必改也河朔訪古記湯

陰縣有古壘碑亦陸長源撰記今佚

全唐文亦無之

其會善寺

戒壇記則已見萃編

石槽欄頌并題名

高一尺餘八面而各一尺二寸頌一面題名四面行數字  
數不一字徑六分至八九分不等正書又宋人題記一面  
除二面無字在  
京師坊方家

石槽欄頌

夫功者善也德者義也仁者信也井者濟也四者既備  
難□今合□清信任等並宿樹義□□□□□□□□□□

拔淨財博呂良工共□義井□石槽欄□□□□□□□□□□

臨東西大路其井也則□□□□□□□□□□其欄槽也

則□□□□□□□□□□而不朽自興之後則□遠□十里人

□□□□渴乏塗中□何可說諸□功德□□□□□□非生□福



田□功祐泉壤銷自□□□乎西邑遇此□□並里仁為  
美勝樹□□回功施已成鵞題載朔以銷子□課菲才□□

□□敢為□頌其詞曰

頌約三行思泐無一二  
筆紙似當日未鐫刻者

右  
面一

大唐天寶八載七月十五日達

龕主劉元之姊比尼摩兒妻郭男騎都尉元子男飛騎

尉元貞元休孫鄉博士儀之二郎適之供養

施主劉思珎妻夏侯男阿興孫先章先太原王待首妻李

男仁旭妻劉孫主仁施地作義井主趙仁琰妻劉男男生

孫

妻劉孫男有成孫女比<sub>三</sub>尼利念孫女仕安供養

清信士

劉待舉妻齊男同貴男同靜

貴妻祝靜妻薛孫男零凝

妻趙<sub>初</sub>零超零異超女鵝兒女鴨子<sub>初</sub>

該男零<sub>口</sub>零曜女大

娘

清信士劉<sub>口</sub>

妻楊男舅仁妻<sub>初</sub>孫男

孫

女大娘妻母劉

<sub>而</sub>右一

都井欄主張秀恭

祖元<sub>口</sub>祖母李父道

<sub>碑</sub>

母劉朱妻李劉維挪主騎都尉男唐

俊男護軍唐賓男同思空宿妻許俊妻李<sub>口</sub><sub>口</sub><sub>口</sub><sub>口</sub><sub>口</sub>

<sub>口</sub>父享孫女件兒

武騎尉<sub>口</sub>

順妻趙男琛子令宰令

餘□□□□□妻□□□孫女四兒

一後空

□□□□□騎都尉趙□仁亡父□現存母劉妻□□□昇

□日昂女大娘亡女二娘合

右一

井欄主并維艸中山劉令

璋

曾祖仁期曾祖母張 祖待

貢祖母張父先愛母王□嘉庭林□進庭妻□□令省男□

之男宏琳進妻郭女小姑□□□□□供養

□主劉□□妻李弟英起妻王上孫王妻張男名上男高

言高見 孫妻王上惠雲惠日合家供養□□主□□□

□大娘為亡過父母及亡夫上女光子等供養佛時□□

過

六

郭□□妻王男庭金男庭璠供養□□□□陵公孫崔□光

已父元超

□母張

妻張

女三歲

右一

井欄主井維胤劉京召

曾祖仁着

曾祖母房

祖英漢

祖母齊

父騎都尉行

過母郭

召妻齊男如冰男如玉男如珍

張氏姑二娘

夫智誠合家供養劉元

□妻張男景昭妻李孫男利□劉阿

八

妻張李男蘭猪妻王孫利言雲騎尉劉阿敏妻王女

厚兒

上柱國劉英協妻□

男馬子妻祝孫男庭光女□

□空下

協男行成妻李□□□

庭金妻祝比丘尼普覺弟子

常山郡行唐縣人侯 思毅

右一而石有朱刻  
• 刻數處在石身

井欄圍九尺六寸半橋輦鼓其家頌無筆蹤蹤可見似當  
時未嘗刻者撰人禮橙見序尾自稱曰銷不知何姓別有  
宋人題記一面次瀉化五年

石門山詩刻五

在青

郭密之謝公石門山詩

高一尺四寸五分廣一尺三十石  
上角斜開十一行行存六字至十

二字不等字  
徑八分正書

使永嘉經謝公石門山作

諸暨縣令郭密之

絕境經耳目未嘗

曠躋登一窺石

門險哉澄心神  
惜洞空闊

金澗敲

產藍石枵陰津

下幕幕秀嶺上層

層千丈瀑  
流塞半

溪風而恒興餘

志每恒

心遠道自弘

垂軹廣儲侍  
祇命愧才

能輟棹周氣象捫條應

寡崩忽如生羽翼  
恍若將起騰謝公

今已矣我未誰與朋

唐天寶八載十一月

時天寶八載冬仲月勒

又永嘉懷古

高一尺八寸餘廣一尺八行行十  
七字字徑八分至一十五書

永嘉懷古

諸暨縣令郭密之

雲 永嘉東南盡倚棹臂可究帆引滄海風舟舫縉雲溜羣山何

隱磷万物更森秀地氣冬轉暄溟氣陰改晝緬懷謝康樂伊  
昔茲為守逸興滿雲林清詞冠宇宙嘗遊石門裏膝踐宛如  
舊峭壁苔蘚濃懸崖風雨驟巖隈餘灌莽壁畔空泉甃物是  
人已非瑤潭悽獨漱

右詩刻二種在青田縣石門洞磨崖嘉慶元年二月臨海

令華氏瑞潢過此搜剔出之按二詩全唐詩未載邑志云

郭密之於天寶中令諸暨建義津橋葉放生湖溉田二千

餘頃民便之舊志止載後懷古詩題作石門山而無前詩

未見石刻也

兩浙金石志

郭密之五言詩二篇前人錄金石者皆未之及今芸臺中

丞兩浙金石記始著之詩古澹近選體石尚有徐嶠張慮

詩刻皆開元天寶間人崖石鏡損惟姓名屢存詩句莫餘

辨識矣

錢大昕  
春新錄

石門山唐郭密之詩刻余友芝庭以贈李金澗先生者阮

宮保兩浙金石志亦載此詩其永嘉懷古詩計缺一十有



一字此拓僅缺二字又前詩僻字作仕後詩棹字作袒伊

字缺注引郡志作風守字作壽宛字作定按志宛字未嘗作定此拓

一一明顯俱為核正不可謂善本手然數年來屢被大水

所沖其字跡已不如芝庭前所藏之本矣括蒼金石志王而唐

拓本二紙前詩缺若上一角據兩浙金石志補之後詩

惟末行聲字全失畔字右半尚存餘皆觀而可識而兩

浙金石志乃缺十一字謫二字蓋所據拓本過劣也括

蒼金石志成於道光十三年所錄前詩猶未槲裂乃上

距唐天寶一千餘年年文字完好今相去六七十年而殘

缺已三之一余嘗謂金石之壽古人託以示後世然惟

沈靈土壤或幽岩絕壑人弗能知乃得歷久無恙及出  
而顯諸世即未有能久完者摩崖諸刻若封藤結迹晦  
而天全一經好古者翦蘿剔蘚洗刷呈露推搗足以傷  
其質風日足以剝其膚故濡晦千年而不推炫迹數十  
年而已敗金石且然是可鑒已然則後人之傳之也不  
適以毀之手雖然上自三代下至近數百年凡見於歐  
趙已未金石諸書者問其物百不存二三而其遺文軼  
字流傳猶在人間則著錄之為功豈淺哉哉其存其軼  
數也物雖軼而文則存也起古人而質之其不余與也決  
矣

兩浙金石志云二詩全詩唐未載按全唐詩第十二函第九冊補遺有郭密之詩一首即前詩也阮公偶失檢耳全唐詩恒作恒傳作峙皆誤字載作再棹作擢皆異文絕境作綿境謝公作謝客兩浙志亦作客今拓本並闕未知孰是

徐嶠詩殘刻 高一尺六寸廣存五寸三分三行半行十三字字徑八九分 遊石門山

勅採訪大使潤州刺史徐嶠

維舟青溪泊徐步石門瞻窅屈際岳洞空□□□□飛下

習坎響

第四行下五字存右少半亦不可辨

栝蒼志第三句際作借非第四句末一字作纖諦審榻

本形殊不合其下一字頗似纖然左無系形

張愿詩殘刻

在徐喻詩之下高二尺餘廣存七寸  
四行半行十九字字徑一寸正書

題石門山瀑布八韻敬贈

□□□公并序

吳郡守兼江東採訪使 張愿

所歷名山觀瀑布者多矣石門飛流若布遠近如□□□□

□□□□□□百步石壁千尋激流成□□□□□□□

□□□□□□□□□□有時

缺後

右詩刻二種在青田縣石門洞石壁俱為宋人大書題名

於上鏡繪殆盡徐詩首二行尚可辨然亦不能句讀矣按

徐嶠為齊暉之孫唐書附齊暉傳云堅子嶠字巨山開元  
中為駕部員外郎集賢院直學士遷中書舍人內供奉河南尹  
封慈源縣公不言其為潤州刺史乃史文之畧張愿史傳  
無攷惟蘇郡志載其名按唐書開元二十一年諸道置十  
五採訪使檢察如刺史之職徐嶠張愿皆以郡守兼此蓋  
皆江南東道採訪使也蘇州本隸江南道天寶元年改為  
吳郡又改刺史為太守徐嶠之刻當在開元二十一年之  
後張愿之刻當在天寶中也錢宮詹云瀑布瀑今人多从  
水旁此刻獨从日旁攷說文瀑疾雨也一曰沫也一曰瀑  
實也詩終風且瀑是瀑有三義山泉自上出曰瀑布不見

於爾雅且取其疾如瀑而其白如布則从水或取其下垂  
如曝布之懸則从日於義得兩通也

兩浙金石志

右徐嶠張愿二詩一存詩二十一字一存序二十七字

餘皆不可復識而兩題銜並無恙字較小於詩兩浙金

石志以嶠為徐齊暉之孫堅之子謂傳不言其為潤州

刺史乃史文之略愚按唐有兩徐嶠時亦相近舊書徐

浩傳父嶠官至洛州刺史

按浩神道碑作洛州

新唐書作嶠之金

石錄載唐永豐陂堰頌為其撰書高行先生徐公碑為

其所書

二碑今佚

金仙長公主神道碑為其所撰。欽定

全唐文收徐嶠文二首一即金仙長公主碑一為洛州

帖敘略云嶠新唐書作嶠之字維嶽贈吏部侍郎師道  
子歷趙湖洛潤三三四雷州刺史入為中書舍人大理寺  
卿與是刻結銜潤州刺史適合然則此詩乃浩父嶠所  
作未可遽定為堅子嶠也新書稱浩父作嶠之浩神道  
碑追敘父名亦作嶠之其撰書各碑並嶠之者竊意嶠  
之本名嶠以字行唐人所恒有者耳觀涪州帖署款曰  
弟子徐嶠和南無之字而又嘗為潤州刺史以此當是  
刻之徐嶠所似較堅子嶠為高官游無多書不能得全唐  
文敘略之所本存俟再攷張愿一刻第三四行有前人  
題記為所掩蓋細審之自雁字起至飛字止字裏見奉

和室二

□大使遊石門山九字餘皆不可辨也

關名和徐大使詩殘字

在謝康樂石門最高頂一首內行不辨我字字徑寸許正書

奉和 徐大使遊石門山

從謝詩前一首末句智者二字之旁起

□監門

減約五

弼

從在

登石門最高頂一弼字與吉字齊

三寵命

□呂

在壁夕息在山五字旁

四臨

左半疊長字內

五布飛流

在溪長林三字左

七洞

在啼沈二字右

攝探訪判官趙

□金

叅軍

□□

□□

以下二行在謝詩末行後

□□乾元元年

下減約十字



謝康樂登石門最高頂一詩為宋王起等大書題名所  
掩此此刻攙謝詩之中滅沒尤甚甚枯蒼金石志滿漏未審出  
鄒柏森校補之亦未載□監門云云一行及末二行也  
唐書左右監門衛屬有長史諸曹叅軍等官此刻銜姓  
缺失不知名稱者何官採訪判官者唐置諸使各設判  
官採訪使固應有之開元年所設十五道採訪使至乾  
元元年改為觀察使此刻猶在未改以前故云

莊嚴寺石燈臺銘

八面下截斷缺高存一尺五寸五分每面廣三寸一分各  
四行序銘每行存十字至十二字不等銘後題名字數不  
一行書其上—列題名字無西四行字均徑五分又其上  
—列正面佛像—左右二面侍佛像二並供養題名餘五  
面亦皆題名字  
較小均正書

大莊嚴寺莊所石燈臺銘

夫太虛寥廓也藉乎日月之闕乎□燭之光每至陽烏嚴耀

闕下之矚朧照玉毫之艷彩念闕下塔以凝暉崇燃此燈置之闕下

其臺登陟崑崗採求玉石闕下英召□□即就兩極剎外闕下

瑤唐今日成達其臺砌也法闕下之飛采象竇幢以疊重疑闕下

座色色別生露蓋雲樓層層闕下皇帝下及蒼生蠢動含靈同

跏道恩合邑人褚庭等並願跏下乘般若之跏胎登跏之  
彼岸恍跏下濁惡跏不捨此心同跏下式觀彼塔希如此  
臺花幢重跏下湧出天上飛來火跏朝朗燈跏下成若月清跏  
光舒六道跏下情慧炬破闇跏劫跏下逸世間壞  
散何者當跏下壽如天願生彼方離此蓋纏跏下剎前卓哉其臺  
磨跏下鈎字同玉潔雕刻臺跏下乎太初銘存不滅

大唐天寶八載跏下

大跏下

右燈臺主右羽林飛騎上柱國跏下

左燈臺主張跏郎左副燈臺主跏下

□□□□主上柱國張庭芝母德妻附下

都大燈臺主登仕郎守少府監□附下

花主王如玉母惠花主王信女六娘

姪兵部常選上柱國如玉燈臺主王信

取大燈臺主新平縣令上騎都尉王靜

右塚刻石  
全八向

像主張之女大□像主張子溫母□□張□□母惠花

主張□□母□□邑人魏□□邑人張四郎□邑人張光

明邑人張漢兒張小恭妻游邑人劉溢江邑人張崇

俊邑人惠令超□□□□邑人張楚璧邑人趙

邑人張□□ 邑人趙□□ 北門張元□ 文林  
郎張□之 打鍾人蔡□ 施主張行□ 花主張阿師母  
張志一褚思□ 褚光朝弟□□ 邑人趙景□ 邑人  
張信行 邑人張大□ 邑人張□□ 檢校□□□□  
張如玉 耶□毛妻惠 邑人褚揚庭

右題名在  
銘文之上

張壁妻馬供儀 張壁女十八娘二行在 最上 佛像旁 列張如玉母  
趙 張□順母王 張令博母前 張□□母王 張阿全  
母孫妻惠妹六娘 張阿□母□ 張阿□妻□ 女五娘男  
男 守詮妻惠女大姊□ 二娘□□□ 燈主張休祥 張知古張

如珪弟□九弟□□張長□妻田守貞妻惠田行同

妻任□子奇張阿詮張阿胡弟阿雲□□憲妻□

右題名在  
長上一列

題名結銜有右羽林飛騎有登仕郎少府監有新平縣

令六典左右屯營龍朔二年為左右羽林軍會安委拱  
元年五月

十七日其軍士曰飛騎登士郎正九品下少府監下當尚

有錄事等字也新平縣屬關內道邠州

張楚璧等建陀羅尼幢記

摺本高一尺八寸八分而廣五寸八分各五行十字至十四字  
不等字徑一寸行書題名行字不一字性四五六合正書書  
尊勝陀羅尼幢記 并序

尊勝陀羅尼者蓋是無為之秘淵提持之園苑眇莽無暎理  
通言象之表謂其有也希怡絕於矚聆謂其無也有祈而必  
會必會不可言之無絕聆不可言之有此乃不思議之穿變  
惚恍難模造之者獨仙遊乎其中會之者唯般若之元鑒然  
慈昏生之長弱假竹帛以證之淨名猶是末會以論言生智  
尚望涯以退默况悠：庶品世智而能談惻歟爰有信士張  
楚璧張懷璧張庭芝等信心曩劫仰託元門屬四方不閉黎

人塗炭憑茲懂之威力靜遐劫之氛灾是以採名石召良工  
累歲碌磨今日成建其懂也上圖像軋覆之功下方擬坤之  
普載行分則猶貫華之妙彩鍊銀字若文星之點碧空諷味  
者無善而不臻瞻仰者無歎累而不翦其功也願算其利也  
難量龍神四遠以護持賢聖雲飛而護實既居形勝與長劫  
之永安頌曰

洪  
湛冠真趣妙莽無為搃持寄号般若冥期悟物非言竹帛揚  
蓋淨名註點蓮華莫宣信士天真至悟元門名山採石遠訪  
工人累稔積功剋就真懂字銀寫漢妙貫難雙稽願祈談隨  
之祐靈映無不祇福無不盈難昏龍天雲飛聖賢制茲懂兮



永固真當劫分良緣

造幢剋字人白希琳

上都莊嚴寺沙門法鏡述

幢主張林夏 張庭屏 妻馬氏 女十八娘 幢主張

楚鐸 妻田氏 男希鄭 新婦田氏 孫女三娘 孫道

田十一娘 幢主張林賢 妻屈氏 女尼惠照 幢主

張懷鮮 妻惠氏 男僧日暉 幢主張庭芝 妻趙氏 女二

娘姪伯英 男僧日興 孫長壽 張二娘 幢主張八娘

幢主張十一娘 男芬 幢主張球 妻權 男秀 寶 妻權 孫女

大娘 幢主張恩泰 妻馮氏 弟行珎 女田氏 女翠

移張惠廣妻王

張氏

田崇瓊妻張氏妹七娘

幢主僧法行

僧睿正

幢主張

行言妻張氏男阿師

幢主張惠廣妻王氏幢主禡陽庭妻

張氏女大娘女五娘男光瑤

幢主尼海性

幢主王仙妹二

娘 張漢兒妻田 王恩莊妻党

右題名在第七面及第八面記後

邑人張闕

張四郎

張運

張希芝

張光奇

張大足

張令暉

張如璧

游石胡

右在記文前七行之下

幢主張祇異妻 □ 女茸党全妻張氏女六娘女堅勝

右在記文之末則長二行之下

幢無年月未詳所在造幢人張楚鮮張庭芝題名中  
稽陽庭張漢兄及張庭璧妻馬女十八娘皆見天寶八  
載莊嚴寺石燈臺此幢亦莊嚴寺沙門法鏡述是與  
石燈臺同在天寶年所造矣尊勝陀羅尼經當  
是別刻一石故此幢無之以其無經故散次石燈臺銘  
後不與經幢類列

清河郡太夫人張氏墓誌銘

高約一尺八寸廣約是二十三行行二十三字字  
徑五分餘正書京師工部郎中端方歲有編本

唐故清河郡太夫人張氏墓誌銘并序

朝請大夫行少府監丞索元愛撰

漢  
夫人姓張氏故朝散大夫林府君諱仁璋之妻銀青光祿大  
夫行內侍□□之母其先魯張王之裔也本自軒皇肇回柱  
木錫姓之□□□鵲成印探鳩得鈞族茂之徵也漢重詞賦

晉推博物令緒之美也其後懷才蘊德何代無之曾祖仁欽  
昔日之歸田服先疇之畎畝祖命父師並德業不墜禮義興  
行正性逸遶□□人受之矣夫人生而聰慧長而婉順爰自

箕年作嬪林□□府君也迺移天而展敬撫內侍也實掘地而如初教以忠良兼之孝義雖王陵之親陳嬰之母無以勝也 開元十一載封南陽縣太君至 開十七載進封清河郡太夫人舊翠□飾珩珮之響動必合禮言必合度三從表其貞順六屬欽其厚德 開元廿七載而府君先逝食不變味飲不變色近七寶臺寺祀敬無窮居一剎旣時念誦無數天寶九載二月寢疾三月十九日傾逝于光宅里第春秋八十有一即以其載五月九日遷窆于咸陽畢陌原臨府君之舊塋禮也長子銀青光祿大夫行內侍清河縣開國侯上柱國招隱次子朝議郎守慶王府司馬上柱國有鑒次子昭武

按尉守京北府通樂府折衝都尉上柱國賜紫金魚袋招德  
等號天回已泣血無聲毀不滅性杖而後起恐幽燧之莫紀  
故勒石誌之銘曰

利渠之後畢陌之前卜其宅北誌彼幽泉既銘美德用表遐  
年子孫瞻望松栢生煙 男有鑿書

唐清河張氏墓誌銘天寶九載索元愛撰男林有鑿楷書

見金石表

佩文齋書畫譜

若張氏誌顧亭林金石文字記有之以後金石家均未  
著錄午樵水部藏有翦標本筆意與埤塔銘絕近與盛唐  
書家多辨香河南林有鑿當時無書名而能事如此此非

後來所<sup>所</sup>可及石高廣尺寸就每條粘<sup>處</sup>度之原石存亡  
不可知矣夫人長子林<sup>招</sup>德隱官內侍中官也次有鑿慶  
王府司馬慶王明皇長子本名嗣直開元三年由鄭王  
改封慶王改名渾二十四年又改名琮天寶十載薨有  
鑿書<sup>此</sup>誌在前一年也次<sup>招</sup>德京兆府通樂府折衝都  
尉京兆軍府百三十一新書止<sup>舉</sup>十一通樂府佚名中  
之一也長安志先宅坊在朱雀街東本翊善一坊之地  
後分為二畢陌顏師古<sup>漢</sup>書劉向傳注在長安西四十  
里

李系墓誌銘

方一尺四寸二十三行行二十  
三字字徑五六分正書在洛陽出土瑞午橋中丞購得之

故隴西李府君墓誌銘 并序

前崇文館進士折成撰

君諱系字系隴西成紀人也氏胄之起煥乎方書周隋之先  
鬱為鼎族我唐之際幸稱 皇枝實蕃境根末之比也曾祖  
諱德綸 皇雅等充州刺史祖自實 皇朝散大夫尚書工  
部員外太子舍人父度訓 皇朝議郎濟南郡禹城縣令皆  
敏識靈寯英情天逸不然挺貞標之節袖尔峻朗拔之風宣  
伯康平率職有不傾之台林龍格正清能善齊簡之名公即



宰

禹城之長子公行不軌俗學嘗師心昂藏古風歲誕自得頃  
者府君宰化禹城之即也公充樞內疾厄毀外彰執禮三  
年加人一茅時太夫人孀孤返洛侍從將行稽顙山門已  
泣高柴之血板輿歸路圖忘閔予之心公檣令弟曰兄弟二  
心足慰母心墳閭十里星霜歲深遠飭駕辭親反廬齊國且  
封且樹一十餘年天不報善熾予名賢天寶七載五月廿日  
寢疾終於濟南郡禹城縣春秋世八權殯於初君之塋側  
今而歸之孝有終也季弟啓府君之故陵魚公之舊殯天寶  
九載十一月十七日遷塋於河南府洛陽縣北郊之南原新  
塋已矣嗟乎出身政歲青紫末就何備志未立奄罹斯各檣

日沒身考廬墓之右天無知子反奪尔身銘曰

天之降靈維公之生古之遺烈維公之哲沙氣穎秀奇峯卓  
脩如彼隋墓外勁其節如彼明鏡內含光潔嗚呼彼蒼砥廡

報其善反罹于殃頌齊國兮樹蒼々啓舊塋兮歸故

洛之陽十年百歲埋北印父于家兮處相望過

傷

李系鄭其曾祖父俱不見於表傳文字有誤處皇襟等

兗州刺史當是濮院等州倒文合而歸之合當作全印

山部皆作印奄雅斯各疑當作酷兄弟二心之心率職

有不侷之合合字皆誤文也缺作知无怪銘末句缺一

合字皆從之向有脫  
誤同上久似与兄弟向更注